

**O'ZBEKISTON RESPUBLIKASI
VAZIRLAR MAHKAMASINING
QARORI**



**ПОСТАНОВЛЕНИЕ
КАБИНЕТА МИНИСТРОВ
РЕСПУБЛИКИ УЗБЕКИСТАН**

« 24 » апрель 2019 у.

№ 349

Toshkent sh.

**Мувофиқликни баҳолаш органларини аккредитациядан ўтказиш
соҳасидаги ишларни такомиллаштиришга доир қўшимча
чора-тадбирлар тўғрисида**

Ўзбекистон Республикаси Президентининг “Ўзбекистон Республикаси Президенти ҳузуридаги Лойиҳа бошқаруви миллий агентлиги фаолиятини янада такомиллаштириш чора-тадбирлари тўғрисида” 2019 йил 10 январдаги ПФ-5624-сон Фармони бажариш, шунингдек, мувофиқликни баҳолаш органларини халқаро стандартларга мувофиқ аккредитациядан ўтказиш миллий тизимини янада такомиллаштириш мақсадида Вазирлар Маҳкамаси қарор қилади:

1. “Ўзстандарт” агентлиги тузилмасида мувофиқликни баҳолаш органларини аккредитациядан ўтказувчи махсус ваколатли орган ҳисобланган “Ўзбекистон стандартлаштириш, метрология ва сертификатлаштириш агентлиги ҳузуридаги Аккредитация маркази” ДУК (кейинги ўринларда Аккредитация маркази деб аталади) ташкил этилгани маълумот учун қабул қилинсин.

2. Қуйидагилар Аккредитация марказининг устувор вазифалари ва фаолият йўналишлари этиб белгилансин:

мувофиқликни баҳолаш органларини аккредитациядан ўтказишда аккредитация жараёнининг бетарафлиги ва ҳолислигини таъминлаган ҳолда манфаатлар тўқнашувига йўл қўймаслик;

Аккредитация бўйича Осиё-Тинч океани ҳамкорлигига (APAC), Лабораториялар аккредитацияси бўйича халқаро ташкилотга (ILAC) ва Аккредитация бўйича халқаро форумга (IAF) тўлақонли аъзо сифатида кириш;

аккредитация миллий тизимини халқаро нормалар ва мезонларга мувофиқ доимий равишда ривожлантириш ва қўллаб-қувватлаш, ISO/IEC 17011 халқаро стандарти талабларига риоя қилиш;

аккредитация тартиб-таомилларига тааллуқли зарур ахборотни, шу жумладан, ўзининг расмий веб-сайт орқали эркин олиш имкониятини яратиш;

Ўзбекистон Республикасининг халқаро шартномалари асосида аккредитация бўйича ишлар натижаларининг хорижий мамлакатлар томонидан эътироф этилишини таъминлаш юзасидан зарур чоралар қўриш;

аккредитациядан ўтказилган ташкилотлар ва уларнинг аккредитация соҳаси тўғрисидаги маълумотлар базасининг шакллантирилиши ва долзарб ҳолатда сақланишини, шунингдек, тегишли ахборотнинг махфийлигига риоя қилган ҳолда жамоатчиликнинг улардан фойдаланишини таъминлаш.

3. Қуйидагилар:

Мувофиқликни баҳолаш органларини аккредитациядан ўтказиш тартиби тўғрисидаги низом 1-иловага мувофиқ;

“Ўзбекистон стандартлаштириш, метрология ва сертификатлаштириш агентлиги ҳузуридаги “Аккредитация маркази” ДУКнинг Аккредитация бўйича Осиё-Тинч океани ҳамкорлиги (APAC), Лабораториялар аккредитацияси бўйича халқаро ташкилот (ILAC) ва Аккредитация бўйича халқаро форумга (IAF) тўлақонли аъзо сифатида кириши бўйича тадбирлар режаси 2-иловага мувофиқ тасдиқлансин.

4. Белгилаб қўйилсинки:

мувофиқликни баҳолаш органлари аккредитациядан ўтганлиги тўғрисида олдин берилган гувоҳномалар ҳақиқий ҳисобланади ва Аккредитация маркази мувофиқликни баҳолаш органлари ва метрология хизматлари фаолиятини инспекция назоратидан ўтказиш натижаларига кўра, аккредитациядан ўтказилганлик тўғрисидаги гувоҳномани тасдиқлаш ҳақида қарор қабул қилса, ушбу гувоҳномалар бундай қарор қабул қилинган санадан бошлаб ўзининг амал қиладиган муддатига қайта расмийлаштирилиши лозим;

Аккредитация маркази ходимларининг лавозим маоши 2 барабар миқдордаги коэффициентни қўлланган ҳолда, Ягона тариф сеткаси бўйича меҳнатга ҳақ тўлашга доир тасдиқланган разрядларга мувофиқ белгиланади;

аккредитациядан ўтказишда, инспекция назоратида ва уларнинг натижалари бўйича қарорлар қабул қилишда, давлат органлари ва бошқа ташкилотларнинг Аккредитация маркази фаолиятига ҳар қандай шаклда аралашиши ва таъсир кўрсатишига йўл қўйилмайди.

5. Аккредитация марказига қуйидаги ҳуқуқлар берилсин:

аккредитация соҳасида идоралараро хусусиятга эга, шу жумладан, хорижда аккредитация ишлари натижалари эътироф этилишини таъминлашга қаратилган халқаро шартномаларни белгиланган тартибда тузиш;

ISO/IEC 17000 халқаро стандартларига, шунингдек, Аккредитация бўйича Осиё-Тинч океани ҳамкорлиги (APAC), Лабораториялар аккредитацияси бўйича халқаро ташкилот (ILAC) ва Аккредитация бўйича халқаро форум (IAF) талаблари ва тавсияларига мувофиқ аккредитация тартиботлари бўйича қоидалар, йўриқномалар ва низомлар ишлаб чиқиш ва тасдиқлаш;

тренинглар, семинарлар ўтказиш ва баҳоловчилар, техник экспертлар, шунингдек, мувофиқликни баҳолаш соҳасида иштирок этувчи мутахассислар малакасини баҳолаш;

ўз хизмат вазифаларини виждонан ва самарали бажарётган ходимларга ўз маблағлари ҳисобидан лавозим маошининг икки барабари миқдоригача бўлган миқдорда ҳар ойлик устамалар тўлаш;

энг яхши амалиётларга мувофиқ вазифаларни сифатли бажариш мақсадида мустақил маслаҳатчилар ва экспертларни, шу жумладан хорижий маслаҳатчилар ва экспертларни шартнома асосида жалб қилиш;

ушбу қарор талабларига мувофиқ Аккредитация марказининг тузилмасини, ходимларининг штатдаги сони ва иш ҳақи миқдорларини мустақил тасдиқлаш.

6. “Ўзстандарт” агентлиги:

Аккредитация маркази, Ўзбекистон Республикаси Савдо-саноат палатаси ва бошқа манфаатдор вазирликлар, идоралар, нодавлат ташкилотлар вакиллари, тадбиркорлик субъектлари ва жисмоний шахслар иштирокида аккредитация миллий тизимини ривожлантиришнинг стратегик йўналишларини белгилаб берувчи ва Аккредитация маркази ушбу йўналишларга эришиши юзасидан мониторинг олиб борувчи Аккредитация бўйича кенгашни ташкил этсин;

ўз фаолиятида, шунингдек, тасарруфидаги ташкилотлар фаолиятида Аккредитация маркази мустақиллиги ва ҳолислигига шубҳа уйғотиши мумкин бўлган бирор-бир ҳагги-ҳаракатларни амалга оширмасин;

Аккредитация маркази директорини тайинлашда ILAC ва IAF талаблари ва принципларига, ISO/IEC стандартларига ҳамда Аккредитация бўйича кенгаш тавсияларига амал қилсин;

икки ой муддатда республика ҳудудида амал қиладиган ISO/IEC 17000 стандартларининг долзарблиги ва жаҳон миқёсида амал қиладиган стандартлар билан бир хиллигини қайта кўриб чиқсин;

уч ой муддатда тегишли вазирлик ва идоралар билан биргаликда жаҳон тажрибаси асосида мувофиқликни баҳолаш органлари ваколатларини баҳолашни уларнинг олдида қўйилган вазифалардан келиб чиққан ҳолда, шу жумладан уларни Аккредитация маркази томонидан мақудлаш ва/ёки нотификация қилиш йўли орқали аккредитациядан ўтказиш тартиб-таъомиллари ўрнига муқобил ва соддалантирилган баҳолаш турларини жорий этиш бўйича Вазирлар Маҳкамасига таклифлар киритсин.

7. Аккредитация маркази раҳбари зиммасига қуйидагилар учун шахсий масъулият юклансин:

мувофиқликни баҳолаш соҳасидаги ILAC, IAF талабларига ва ISO/IEC стандартларига асосланган принципларга сўзсиз риоя қилиш;

аккредитация бўйича ишларни бажаришда ҳолислик, бетарафлик ва мустақилликни таъминлаш;

баҳолашни амалга оширишда иштирок этмаган Аккредитация марказининг малакали шахслари билангина аккредитация бўйича қарор қабул қилиш;

аккредитация бўйича фаолиятнинг ҳолислиги, бетарафлиги ва мустақиллигини шубҳа уйғотиши мумкин бўлган хизматларни кўрсатмаслик.

8. Ўзбекистон Республикаси Ҳукуматининг 3-иловага мувофиқ айрим қарорлари ўз кучини йўқотган деб ҳисоблансин.

9. “Ўзстандарт” агентлиги манфаатдор вазирликлар ва идоралар билан биргаликда ўзлари қабул қилган норматив-ҳуқуқий ҳужжатларни икки ой муддатда ушбу қарорга мувофиқлаштирсин.

10. Мазкур қарорнинг бажарилишини назорат қилиш Ўзбекистон Республикаси Вазирлар Маҳкамасининг ёқилғи-энергетика соҳаси ва саноатнинг базавий тармоқларини ривожлантириш масалалари қотибиятига ва “Ўзстандарт” агентлиги бош директори Д.Н.Саттаров зиммасига юклансин.

**Ўзбекистон Республикасининг
Бош вазири**



А.Арипов

Вазирлар Маҳкамасининг
2019 йил “24” апрелдаги 349 - сон қарорига
I-илова

**Мувофиқликни баҳолаш органларини аккредитациядан
ўтказиш тартиби тўғрисида
НИЗОМ**

1-боб. Умумий қоидалар

1. Ушбу Низом “Ўзбекистон стандартлаштириш, метрология ва сертификатлаштириш агентлиги ҳузуридаги Аккредитация маркази” ДУКда (кейинги ўринларда Марказ деб аталади) қонун ҳужжатларига мувофиқ аккредитациядан ўтадиган мувофиқликни баҳолаш органлари ва метрология хизматлари фаолиятини аккредитациядан ўтказиш ва инспекция назоратини амалга ошириш тартибини белгилайди.

2. Ушбу Низомда қуйидаги асосий тушунчалар қўлланилади:

аккредитация комиссияси – баҳоловчилар, жалб қилинадиган техник экспертлар, шу жумладан баҳолашда иштирок этмаган халқаро экспертлардан иборат Марказ ҳузурида ташкил этиладиган комиссия бўлиб, аккредитация ва инспекция назорати бўйича ишлар натижаларини кўриб чиқиш ҳамда ушбу Низомда назарда тутилган тегишли қарорларни қабул қилиш унинг асосий вазифаси ҳисобланади;

аккредитация – мувофиқликни баҳолаш бўйича фаолиятнинг муайян соҳасида ишларни бажаришга юридик шахсларнинг ваколатларининг Марказ томонидан расман тасдиқланиши;

апелляция комиссияси – апелляция берган аккредитация объектини баҳолашда иштирок этмаган ва аккредитация комиссияси таркибида бўлмаган, шу жумладан, халқаро, баҳоловчилар, жалб қилинадиган техник экспертлардан, иборат Марказ томонидан ташкил этиладиган комиссия бўлиб, аккредитация комиссиясининг қарорлари бўйича апелляцияни кўриб чиқиш унинг асосий вазифаси ҳисобланади;

иккинчи томон – мувофиқлиги баҳоланаётган объектдан истеъмолчи сифатида манфаатдор бўлган жисмоний ёки юридик шахс;

ариза берувчи – Марказга аккредитация тўғрисидаги тегишли ариза билан мурожаат қилган юридик шахс ёки у томонидан белгиланган тартибда ваколат берилган шахс;

миллий аккредитация тизими белгиси (кейинги ўринларда аккредитация белгиси деб аталади) – аккредитациядан ўтказилган мувофиқликни баҳолаш органлари ва метрология хизматларининг аккредитация мақомини белгилаш мақсадида улар томонидан қўлланиши учун мўлжалланган Марказ томонидан бериладиган белги;

инспекция назорати – мувофиқликни баҳолаш органлари ва метрология хизматларининг аккредитация даврида белгиланган талабларга мувофиқлигини тасдиқлаш мақсадида аМарказ томонидан даврий баҳолаш тартиб-таомили;

аккредитация соҳаси – аккредитация сўралаётган ёки тақдим этилган мувофиқликни баҳолаш бўйича фаолиятнинг муайян соҳаси;

аккредитация объекти -- мувофиқликни баҳолаш органлари ва метрология хизматлари, шу жумладан уларни баҳолаш жараёнида;

мувофиқликни баҳолаш органлари – юридик шахслар ҳисобланадиган ва мувофиқликни баҳолаш бўйича ишларни бажариш учун белгиланган тартибда аккредитациядан ўтган инспекция органлари, тиббий, синов ва калибрлаш лабораториялари (марказлари), провайдерлар, маҳсулотни, хизматларни, менежмент тизимларини, ходимларни сертификатлаштириш органлари;

баҳолаш – аккредитациянинг аниқ бир соҳаси учун техник жиҳатдан тартибга солишга доир норматив ҳужжатлар асосида аккредитация объекти ваколатли эканини аниқлаш мақсадида Марказ томонидан амалга ошириладиган жараён;

баҳоловчи – мувофиқликни баҳолаш органи ва метрология хизматларини мустақил равишда ёки баҳолаш гуруҳи таркибида баҳолаш учун Марказ томонидан тайинланган шахс;

биринчи томон – ишлаб чиқарувчи ёки хизматлар кўрсатувчи манфаатларини ифодаловчи юридик шахс;

баҳолаш гуруҳи раҳбари – зиммасига баҳолаш жараёнига раҳбарлик қилиш учун умумий масъулият юкланган ва Марказ томонидан ваколат берилган баҳоловчи;

аккредитация тўғрисидаги гувоҳнома – аккредитациянинг белгиланган соҳасида ишларни бажариш учун мувофиқликни баҳолаш органининг ва метрология хизматининг ваколатли эканлигини тасдиқловчи ҳужжат;

техник эксперт – ишларни ташкил этиш, мувофиқликни баҳолаш соҳасидаги жараён ёки фаолият хусусида махсус билим ва тажрибага эга бўлган, шартнома асосида аккредитация объектини баҳолаш ва инспекция назоратини ўтказиш учун Марказ томонидан жалб қилинадиган жисмоний шахс;

учинчи томон – биринчи ва иккинчи томонлардан мустақил бўлган жисмоний ёки юридик шахс.

2-боб. Аккредитация талаблари ва шартлари

3. Қуйидагилар аккредитациянинг умумий талаблари ва шартлари ҳисобланади:

аккредитация учун ариза берувчиларнинг ваколати ва баҳолашга қўйилган талабларни тартибга солиш норматив-ҳуқуқий ҳужжатларга шунингдек, техник жиҳатдан тартибга солиш соҳасидаги ҳужжатларга мажбурий риоя қилиш;

аккредитация объектларининг нормал ва самарали фаолиятини амалга ошириш учун зарур бўлган мулк ҳуқуқи ёки бошқа ашёвий ҳуқуқ асосида (шу жумладан, ижара ҳуқуқлари асосида) тааллуқли бўлган бино ва иншоотлар, техник-технологик ҳамда аппарат-дастурий воситалар мавжудлиги;

жорий этилган ва амалдаги сифат менежменти тизими мавжудлиги ҳамда аккредитация объекти фаолиятида унинг талабларига риоя этиш;

малакаси аккредитация жараёнида Марказ томонидан баҳоланадиган ва аккредитациянинг ариза берилган соҳасида малакали ходимларнинг мавжудлиги, уларнинг ўзаро алмашинувчанлигини таъминлаш;

аккредитациянинг ариза берилган соҳасига мувофиқ техник жиҳатдан тартибга солиш соҳасида норматив ҳужжатларнинг мавжудлиги;

аккредитация объектлари томонидан ушбу Низомнинг 9-бобида кўрсатилган мажбуриятларга ўз вақтида риоя қилиш.

Аккредитация қилишда аккредитация соҳасидаги халқаро кондалар, Аккредитация бўйича халқаро форум талаблари (IAF) ва Лабораториялар аккредитацияси бўйича халқаро ташкилот (ILAC) талаблари ҳисобга олинади.

4. Қуйидагилар ариза берувчини аккредитациядан ўтказиш учун қўшимча шартлар ҳисобланади:

а) сертификатлаш органи ва/ёки сертификатлаш бўйича инспекция органи сифатида:

аккредитация объектнинг ишлаб чиқарувчилар, сотувчилар, ижрочилар ва истеъмолчилардан мустақиллиги;

баҳоланаётган объектнинг техник жиҳатдан тартибга солиш соҳасидаги норматив ҳужжатида белгиланган мажбурий кўрсаткичларининг аксарият қисми аниқлашнинг таъминлайдиган, белгиланган тартибда аккредитациядан ўтказилган ўз синов лабораториясининг (маркази) мавжудлиги;

баҳоланаётган объект мажбурий кўрсаткичларининг етишмаётган қисми аниқлашнинг таъминловчи аккредитациядан ўтказилган бошқа синов лабораториялари (марказлари) билан ҳамкорлик тўғрисидаги битимларнинг мавжудлиги;

б) юкларни ортишдан олдин ва/ёки тушириш вақтидаги инспекцияни ўтказиш бўйича инспекция орган сифатида аккредитациянинг ариза берилган соҳасида, маҳсулотнинг мувофиқлигини баҳолаш учун тегишли техника воситалари ва асбоб ускуналар ёки лабораториянинг мавжудлиги;

в) хизматлар, менежмент тизимлари, ходимларни сертификатлаш органининг баҳоланаётган тарафдан мустақиллиги;

г) синов, калибрлаш ва тиббиёт лабораториялари (марказлар), метрологик хизматлар сифатида:

техник жиҳатдан тартибга солиш соҳасида норматив ҳужжатлар талабларига мувофиқ бўлган ишлаб чиқариш бинолари ва атроф – муҳит шароитларининг мавжудлиги;

аккредитациянинг ариза берилган соҳасига мувофиқ синовлар ва/ёки ўлчовлар ўтказилишини таъминлайдиган синов, ўлчов воситалари, стандарт намуналар ва синаш асбоб-ускуналарининг мавжудлиги.

5. Маҳсулотлар, хизматлар, менежмент тизимлари, ходимлар сертификатлаш органи, сертификатлаш бўйича инспекция органи раҳбари сифат бўйича эксперт-аудитор сифатида аттестациядан ўтказилган бўлиши керак.

Бунда эксперт-аудитор фақат битта мувофиқликни баҳолаш органига раҳбарлик қилиши мумкин.

6. Аккредитациядан ўтказилган синов, калибрлаш, тиббиёт лабораториялари (марказлари) ва метрологик хизматлар, амалдаги аккредитация доирасига мувофиқ ўзи қўллаётган синов ва ўлчов воситаларидан, стандарт намуналардан ва синаш асбоб-ускуналаридан фойдаланиш ва/ёки уларни қўллаш ҳуқуқларининг, аккредитациядан ўтишга талабгор бўлган ариза берувчилар

фойдасига берилишига йўл қўйилмайди, Ўзбекистон Республикаси Президенти ва/ёки Ўзбекистон Республикаси Вазирлар Маҳкамасининг қарорларида назарда тутилган ҳоллар бундан мустасно.

3-боб. Аккредитация ўтказиш тартиби

7. Ариза берувчиларни аккредитациядан ўтказиш ушбу Низомга 1-иловада келтирилган схемага мувофиқ амалга оширилади.

Ариза берувчи Марказ томонидан белгиланган шакл бўйича Марказга ушбу Низомнинг 8-бандида кўрсатилган ҳужжатлар ва маълумотларни илова қилган ҳолда, ёзма ёки электрон шаклда аккредитация қилишга буюртма (кейинги ўринларда буюртма деб аталади) беради.

8. Ариза берувчилар буюртмага қуйидаги ҳужжатларни ва маълумотларни илова қилади:

аккредитация қилиниши сўралаётган аккредитация соҳасини аниқловчи мувофиқликни баҳолаш объектлари ёки синов усуллари (методикалари) ва/ёки ўлчаш турларининг рўйхати;

сифат бўйича қўлланма ва сифат менежменти тизими тартиб-тамоил ҳужжатлари;

маҳсулот, хизматлар, менежмент тизимлари, ходимларни сертификатлаш органлари ва инспекция органи учун қўшимча равишда - ходимлар ва сифат бўйича эксперт-аудиторлар тўғрисидаги маълумотлар, сертификатлашни (инспекцияни) ўтказиш тартиби тўғрисидаги ҳужжат ва инспекция органи томонидан қўлланиладиган (зарур ҳолларда) техника воситалари ва асбоб ускуналар тўғрисидаги ҳужжат;

синов, калибрлаш ва тиббиёт лабораториялари (марказлари), метрология хизматлари учун қўшимча равишда - лаборатория, ходимлар ва улар томонидан қўлланиладиган синов, ўлчов воситалари ҳамда синов ускунаси тўғрисидаги маълумотлар.

9. Ариза берувчидан ушбу Низомнинг 8-бандида назарда тутилмаган ҳужжатлар ва маълумотлар тақдим этилишини талаб қилишга йўл қўйилмайди.

Ариза берувчи ўз ихтиёрига кўра, аккредитация объектига алоқадор қўшимча ҳужжатлар ва маълумотларни тақдим қилиши мумкин.

10. Марказ, тақдим этилган ҳужжатлар ва маълумотларни тўлиқлиги юзасидан буюртмани ўрганади. Буюртмани ўрганиш ижобий натижа берса, у рўйхатдан ўтказилади ва икки иш кунидан кечикмай аккредитация хизматларини кўрсатиш бўйича шартнома (кейинги ўринларда шартнома деб аталади) тайёрланади ва ариза берувчига юборилади.

Ушбу Низомнинг 8-бандида назарда тутилган барча ҳужжатлар ва маълумотлар тақдим этилмаган тақдирда, Марказ бир иш кунидан кечикмай ариза берувчига ҳужжатларни пухта ишлаб чиқиш учун қайтариш ҳақида хабар қилади.

11. Ариза берувчи томонидан тўлов тўлангач, Марказ тақдим этилган аккредитация объекти ҳужжатларини экспертизадан ўтказди. Экспертиза натижалари бўйича камчиликлар аниқланган тақдирда, уларни бартараф этиш учун Марказ жойида баҳолаш ўтказишга қадар бу ҳақда аккредитация объектини хабардор қилади. Экспертизадан ўтказиш муддати ўн беш иш кунидан ошмаслиги керак.

Аккредитация объекти аниқланган камчиликлар тўғрисида хабарни қабул қилгандан сўнг жойининг ўзида баҳолашни ўтказиш учун шартнома имзолашни ва кейинги аккредитация жараёни ўтказишни рад этиш ҳуқуқига эга ва бу ҳақда Марказни ёзма хабардор қилади.

12. Тақдим этилган ҳужжатларни экспертизадан ўтказиш тугалланганидан сўнг ва аккредитация объекти жойининг ўзида баҳолашни ўтказиш учун тўлов тўлангач, Марказ уч иш куни давомида миллий ва/ёки халқаро баҳоловчилар ва техник экспертлардан иборат баҳолаш гуруҳини шакиллантиради.

13. Баҳолаш гуруҳи таркиби ва баҳолаш ўтказиладиган сана аккредитация объектининг асосланган таклифларини инобатга олган ҳолда, у билан келишиб олинади.

Баҳолаш гуруҳи раҳбари ва таркиби Марказ раҳбарининг ёки у томонидан ваколат берилган шахсининг буйруғи билан тайинланади.

14. Аккредитация объектининг аккредитация талаблари ва шартларига мувофиқлигини, техник жиҳатдан тартибга солиш соҳасидаги норматив ҳужжатлар талабларига мувофиқлигини ва аккредитация объекти сўралган функцияларни бажара олиш қобилиятини баҳолаш баҳолаш гуруҳининг асосий вазифалари ҳисобланади.

15. Аккредитация объектини жойининг ўзида баҳолаш муддатлари унинг фаолияти хусусиятларини, шунингдек, уларни ихтисослаштирилган (лаборатория, ташхис, метрология, методологик, ишлаб чиқариш ва технологик) баҳолаш заруратини ҳисобга олган ҳолда Марказ томонидан аниқланади. Бунда аккредитация объектини баҳолаш муддати ўн иш кунидан ошмаслиги керак.

16. Баҳолаш тасдиқланган режага мувофиқ ўтказилади. Баҳолаш режаси Марказ раҳбари ёки у томонидан ваколат берилган шахс томонидан тасдиқланади. Буйруқ ва баҳолаш режаси аккредитация объектига жойининг ўзида баҳолаш ўтказишга қадар танишиш учун тақдим этилади.

17. Баҳолаш гуруҳи аккредитация объектининг аккредитация соҳасига киритилган ҳар бир сўралган фаолият йўналишини баҳолайди.

Аккредитация объекти жойининг ўзида баҳолаш ўтказиш учун шарт-шароитлар, шу жумладан баҳолаш гуруҳига зарур маълумот, ёзувлар ва ҳужжатлардан (шу жумладан, ички аудит натижаларидан) фойдаланиш, биноларга кириш ҳамда ходимлар малакасини баҳолаш имкониятини яратади.

Ходимлар малакасини баҳолаш уларнинг шахсий карталарини ўрганган ҳолда сўралган соҳадаги малакаси, тайёргарлиги, маълумотини, мувофиқликни баҳолаш бўйича кўникмаларини намоён қилишини кузатиш ва суҳбатдан ўтказиш орқали амалга оширилади.

Баҳолаш гуруҳи лабораториялараро қиёсий синовлар натижаларини ва ўлчов воситаларини калибрлаш ҳамда таққослаш текширув натижалари, шунингдек, сўралган соҳаларда назорат синовлари ўтказилишини талаб қилишга ҳақлидир.

Таркибига аккредитация объекти қирадиган юридик шахсда сифат менежментининг сертификатланган тизимини мавжудлиги аккредитация объекти учун бу борадаги аккредитация талаблари ва шартлари бажарилганининг тасдиғи бўла олмайди.

18. Жойнинг ўзида баҳолаш ўтказиш учун шарт-шароит яратиб берилмаган ҳолатда, баҳолаш гуруҳи раҳбари Марказга тегишли рапорт тақдим этиши шарт, Марказ унинг асосида баҳолаш ишларини бир ойдан ошмайдиган муддатга тўхтатиб туриш тўғрисида қарор қабул қилади.

Аккредитация объекти кўрсатилган муддатда жойнинг ўзида баҳолаш ўтказиш учун шарт-шароит яратиб бермаса, аккредитация қилишга берилган буюртма бекор қилинади.

19. Баҳолаш якунлари бўйича баҳолаш гуруҳининг баҳолаш давомида аниқланган номувофикликларни (улар мавжуд бўлганда) ўз ичига олган ҳисоботи (кейинги ўринларда ҳисобот деб аталади) тузилади.

Ҳисобот баҳолаш гуруҳи аъзолари, шунингдек, ўзининг алоҳида фикрини (зарурат бўлганда) ифодалашга ҳақли бўлган аккредитация объектининг ваколатли вакили томонидан имзоланади.

Ҳисобот икки нусхада тузилади, унинг бир нусхаси аккредитация объектининг ваколатли вакилига берилади.

20. Баҳолаш гуруҳи ижобий ҳисобот расмийлаштирган тақдирда (номувофиклик мавжуд бўлмаганда), уч иш куни мобайнида ҳисоботни Аккредитация комиссиясининг тегишли қарорини қабул қилиш учун Марказга тақдим этади.

21. Баҳолаш вақтида номувофикликлар бартараф этилмаса (шу жумладан, ҳужжатларни экспертизадан ўтказиш натижасида аниқланган номувофикликлар), аккредитация объекти номувофикликларни бартараф этишга доир ҳаракатлар режасини ишлаб чиқади ва Марказга тақдим этади. Бунда номувофикликларни бартараф этиш муддати баҳолаш бўйича ҳисобот расмийлаштирилган санадан бошлаб икки ойдан ошмаслиги керак.

Аккредитация объекти асосланган сабабларни ёзма равишда Марказга тақдим этган тақдирда, номувофикликларни бартараф этиш муддати Марказ томонидан бир мартаба бир ойдан кўп бўлмаган муддатга сурилиши мумкин.

22. Аккредитация объекти томонидан ҳаракатлар режасини бажариш тўғрисидаги маълумотлар ва номувофикликлар бартараф этилганлигини тасдиқловчи ҳужжатлар белгиланган муддатда тақдим этилмаса, баҳолаш гуруҳи раҳбари ҳисоботни илова қилган ҳолда, аккредитация бўйича ишларни тугатиш тўғрисида Марказга рапорт тақдим этиши шарт.

23. Марказ ҳаракатлар режасини бажариш тўғрисидаги маълумот ва номувофикликлар бартараф этилганлигини тасдиқловчи ҳужжатларни қабул қилган санадан бошлаб, беш иш куни мобайнида аккредитация объекти томонидан номувофикликлар амалда бартараф этилганлиги ҳолатини, зарур бўлса, жойнинг ўзига борган ҳолда ўрганиш учун буйруқ билан баҳолаш гуруҳига ваколат беради.

Баҳолаш гуруҳи беш иш куни мобайнида қабул қилинган ҳаракатларни кўриб чиқишни таъминлайди. Агар тақдим этилган маълумот ва тасдиқловчи ҳужжатлар номувофикликларни бартараф этиш учун етарли бўлмаса, баҳолаш гуруҳи қўшимча маълумот сўрашга ҳақли.

Номувофикликларнинг амалда бартараф этилганлик ҳолатини ўрганиш муддати ҳаракатлар режасини бажариш тўғрисидаги маълумот ва номувофикликлар бартараф этилганлигини тасдиқловчи ҳужжатлар тақдим этилган санадан бошлаб ўн иш кунидан ошмаслиги керак.

24. Баҳолаш гуруҳи, номувофикликларнинг амалда бартараф этилганлик ҳолатини ўрганиш натижалари бўйича якуний ҳисоботни расмийлаштиради ва уч иш кунни мобайнида Марказга тақдим этади.

25. Марказ, ҳисоботни қабул қилган санадан бошлаб, беш иш кунни мобайнида аккредитация комиссияси мажлисида унинг кўриб чиқилишини таъминлайди. Аккредитация комиссияси таркиби Марказ директорининг буйруғи билан тасдиқланади.

26. Қуйидагилар Аккредитацияни рад этиш тўғрисида қарор қабул қилиш учун асос ҳисобланади:

аккредитация объекти у баҳоланаётганда зарур маълумотларни тақдим этишни рад этиши;

аккредитация объекти томонидан кўрсатилган маълумотларда ишончсиз ёки ёлгон маълумот мавжудлиги;

аккредитация объектининг аккредитация талаблари ва шартларига номувофиқлиги;

аниқланган номувофикликларни белгиланган муддатларда бартараф этмаслик.

Аккредитацияни рад этиш тўғрисида бошқа асослар, шу жумладан мақсадга мувофиқсизлик сабаблари бўйича қарор қабул қилишга йўл қўйилмайди.

27. Аккредитация комиссияси томонидан ижобий қарор қабул қилинса, Марказ ва аккредитация объекти ўртасида аккредитациядан кейинги шартнома тузилади ҳамда уч иш кунни мобайнида аккредитация тўғрисида гувоҳнома берилади.

Аккредитациядан кейинги шартномада қуйидагилар акс этади:

Марказ ва аккредитация объекти ўртасидаги ўзаро муносабатлар, шу жумладан томонларнинг ҳуқуқлари, мажбуриятлари ва жавобгарлиги;

аккредитация белгисини қўллаш шартлари ва давлат реестри ракамидан фойдаланиш;

инспекция назоратини ўтказиш даврийлиги.

28. Учинчи томон ҳисобланган синов, калибрлаш ва тиббий лабораторияга (марказга), метрологик хизматга, техник жиҳатдан ваколат ва мустақиллик юзасидан аккредитация тўғрисида гувоҳнома берилади.

Биринчи ёки иккинчи томон ҳисобланган синов, калибрлаш ва тиббий лабораторияга (марказга), метрологик хизматга техник жиҳатдан ваколат юзасидан аккредитация тўғрисида гувоҳнома берилади.

29. Марказ ўзининг расмий веб-сайтида аккредитациядан ўтказилган мувофиқликни баҳолаш органлари, метрология хизматлари давлат реестрини (кейинги ўринларда Давлат реестрлари деб аталади), шунингдек, баҳоловчилар ва техник экспертлар реестрини юритади.

Аккредитация тўғрисидаги гувоҳнома мувофиқликни баҳолаш органларининг давлат реестрида рўйхатдан ўтказилади.

Давлат реестрлари танишиш учун очик ҳисобланади.

30. Аккредитация тўғрисидаги гувоҳнома бланкалари катъий ҳисобот юритиладиган бланкалар ҳисобланади, уларни рўйхатга олиш ва сақлаш тартиби қонун ҳужжатларда белгиланган тартибда амалга оширилади.

31. Аккредитация тўғрисидаги гувоҳнома беш йил муддатга берилади.

32. Аккредитация комиссияси салбий қарор қабул қилганда, Марказ аккредитацияни рад этиш тўғрисидаги қарор қабул қилинган санадан бошлаб, уч иш куни мобайнида аккредитация объектига ёзма шаклда хабарнома юборади.

33. Аккредитация объекти аккредитация комиссиясининг аккредитациядан ўтказишни рад этиш тўғрисидаги қарори устидан Марказ ҳузуридаги апелляция комиссиясига ёки суд тартибида шикоят қилиш ҳуқуқига эга.

34. Қўйидаги ҳолларда аккредитация объекти такрорий аккредитацияга буюртманомга тақдим этиши керак:

аккредитация тўғрисидаги гувоҳноманинг амал қилиш муддати тугашидан камида уч ой олдин;

аккредитация объектининг ваколатини баҳолашга қўйиладиган талабларни тартибга солувчи техник жиҳатдан тартибга солиш соҳасидаги янги ёки янгидан қабул қилинган норматив ҳужжат амалга киритилган вақдан бошлаб уч ойдан қўн бўлмаган муддатда.

Такрорий аккредитация ушбу Низомнинг 3-бобида белгиланган тартибда ўтказилади.

35. Марказ аввал берилган аккредитация тўғрисидаги гувоҳноманинг амал қилиш муддатини тегишли қарор қабул қилинадиган санагача узайтириши мумкин, бунда узайтириш муддати ушбу Низом 34-банди талабларига риоя қилган ҳолда, уч ойдан ошмаслиги керак.

4-боб. Аккредитация соҳасини кенгайтириш ва қисқартириш

36. Аккредитация соҳасини кенгайтириш ишлари аккредитация объекти аризаси бўйича ушбу Низомнинг 7-25, 32 ва 33-бандларида назарда тутилган тартибда амалга оширилади.

37. Аккредитация объектининг аккредитация соҳасини қисқартириш аккредитация комиссиясининг қарори билан қўйидагилар асосида амалга оширилади:

аккредитация соҳасини қисқартириш тўғрисида аккредитация объектининг аризаси;

аккредитация объекти (фаолиятининг инспекция назорати натижаларига кўра.

38. Аккредитация соҳаси қисқартирилса, Марказ томонидан аккредитация объектининг аккредитация соҳасига тегишли ўзгартиришлар киритилади.

Аккредитация соҳасини қисқартириш учун ҳақ олинмайди.

5-боб. Инспекция назорати

39. Инспекция назорати аккредитациядан кейинги шартнома асосида ушбу Низомга 2-иловада келтирилган схемага мувофиқ жойнинг ўзига бориб амалга оширилади.

Биринчи инспекция назорати аккредитация санасидан кейин ўн икки ойдан кечикмай ўтказилади. Кейинги инспекция назорати ҳар йили Марказ раҳбари томонидан тасдиқланган инспекция назорати режа-жадвалига мувофиқ даврий, бироқ аввалги инспекция назорати ўтказилган вақтдан бошлаб йигирма тўрт ойдан кечикмай (маҳсулотни сертификатлаш органлари учун – ўн икки ойдан кечикмай) ўтказилади.

40. Йигирма тўрт ой даврийлик муддати қуйидаги шартлар бажарилса белгиланади:

жойнинг ўзида аввалги баҳолаш ўтказилганда номувофиқликлар бўлмаган бўлса;

аккредитация объекти фаолияти бўйича шикоятлар бўлмаган бўлса;

аккредитация объекти фаолияти бўйича ўтказилган мониторинг ижобий натижалар берган бўлса.

41. Аккредитация объекти фаолияти бўйича режадан ташқари инспекция назорати аккредитация талаблари ва шартлари, шу жумладан аккредитация белгисидан фойдаланиш бузилганлиги тўғрисида ҳужжатлар билан тасдиқланган ёзма мурожаат Марказга тушган тақдирда ўтказилади.

42. Инспекция назоратини ўтказиш тартиби ушбу Низомнинг 13-17, 19-бандларига мувофиқ амалга оширилади.

Инспекция назорати давомида Марказ мувофиқликни баҳолаш органлари ва метрология хизматлари томонидан аккредитация белгисини ва/ёки аккредитацияга матнли ҳаволалар қўлланилишининг тўғрилигини ҳам ўрганади. Мувофиқликни баҳолаш органлари ва метрология хизматлари томонидан аккредитация белгисини қўллаш қоидалари Марказ томонидан ISO/IEC 17011 халқаро стандарти талабларига мувофиқ белгиланади.

43. Баҳолаш гуруҳи уч иш куни мобайнида Марказга ўтказилган инспекция назорати тўғрисида ҳисобот тақдим этиши керак.

44. Марказ ўтказилган инспекция назорати тўғрисидаги ҳисоботни қабул қилгандан кейин беш иш куни мобайнида унинг аккредитация комиссияси мажлисида кўриб чиқилишини таъминлайди.

Аккредитация комиссияси:

аккредитация тўғрисидаги гувоҳноманинг амал қилишини тасдиқлаш;

аккредитация тўғрисидаги гувоҳноманинг амал қилишини тўхтатиб туриш;

аккредитация тўғрисидаги гувоҳноманинг амал қилишини тугатиш;

комиссия аъзоларининг катта қисми баҳолаш гуруҳи ҳисоботига қўшилмаган тақдирда, аккредитация объекти аккредитация талаблари ва шартларига мувофиқлигини ҳақ олмасдан қўшимча баҳолашни ўтказиш тўғрисида қарор қабул қилади.

Аккредитация комиссиясининг қарори у қабул қилингандан кейин аккредитация объектига бир иш кунидан кечикмай етказилади.

45. Аккредитация тўғрисидаги гувоҳномаининг амал қилишини тўхтатиб туриш (тиклаш) ёки тугатиш ушбу Низомнинг 6-7-бобларида белгиланган тартибда амалга оширилади.

46. Аккредитация комиссиясининг аккредитация тўғрисидаги гувоҳноманинг амал қилишини тўхтатиб туриш ёки тугатиш тўғрисидаги қарори юзасидан Марказ ҳузуридаги апелляция комиссиясига ёки суд тартибида шикоят қилиш мумкин.

**6-боб. Аккредитация тўғрисидаги гувоҳноманинг
амал қилишини тўхтатиб туриш (тиклаш)**

47. Аккредитация тўғрисидаги гувоҳноманинг амал қилиши қуйидаги ҳолларда тўхтатиб турилиши мумкин:

Аккредитация объекти аккредитация тўғрисидаги гувоҳноманинг амал қилишини тўхтатиб туриш тўғрисида ариза билан мурожаат қилганида;

аккредитация талаблари ва шартлари бузилиши аниқланганда;

аккредитация объекти томонидан аккредитациядан кейинги шартнома қоидаларига риоя этилмаганда.

48. Аккредитация тўғрисидаги гувоҳноманинг амал қилишини тўхтатиб туриш ушбу Низом 47-бандининг учинчи ва тўртинчи хатбошиларида назарда тутилган ҳолларда Марказ томонидан аккредитация комиссияси қарорига кўра, уч ойдан ошмайдиган муддатда амалга оширилади.

Аккредитация тўғрисидаги гувоҳноманинг амал қилишини тўхтатиб туриш ушбу Низом 47-бандининг иккинчи хатбошида назарда тутилган ҳолда Марказ томонидан амалга оширилади.

Аккредитация тўғрисидаги гувоҳноманинг амал қилишини тўхтатиб туриш тўғрисидаги маълумот қарор қабул қилинган кундан бошлаб бир иш кунидан кечикмай, Марказнинг веб-сайтида жойлаштирилади ва аккредитация объектига ёзма равишда хабар юборилади.

Аккредитация тўғрисидаги гувоҳноманинг амал қилиши аккредитация комиссиясининг қабул қилган қарори тўғрисида маълумот Марказнинг веб-сайтида жойлаштирилган санадан бошлаб тўхтатиб турилади.

Аккредитация объекти аккредитация тўғрисидаги гувоҳноманинг амал қилиши тиклангунга қадар мувофиқликни баҳолаш фаолиятини тўхтатиб туриши шарт.

49. Аккредитация объекти номувофиқликларни бартараф этиш бўйича ҳаракатлар режасини ишлаб чиқади ва Марказга тақдим этади. Бунда номувофиқликларни бартараф этиш муддати аккредитация комиссиясининг қарорига асосан Марказ томонидан белгиланган муддатдан ошмаслиги керак.

50. Аккредитация объекти томонидан ҳаракатлар режасини бажариш тўғрисидаги маълумот ва номувофиқликлар бартараф этилганлигини тасдиқловчи ҳужжатлар белгиланган муддатда тақдим этилмаса, баҳолаш гуруҳи раҳбари Марказга аккредитация тўғрисидаги гувоҳномани амал қилишини тугатиш кераклиги тўғрисида рапорт тақдим этади.

51. Номувофиқликларни бартараф этилганлиги ҳолатларини ўрганиш, ушбу Низомнинг 23 ва 24-бандларига мувофиқ амалга оширилади.

52. Марказ баҳолаш гуруҳи томонидан якуний ҳисобот тақдим этилганидан сўнг беш иш кун ичида тегишли қарор қабул қилиш учун аккредитация комиссиясининг мажлисида унинг кўриб чиқилишини таъминлайди.

53. Аккредитация комиссиясининг қарори у қабул қилинган кундан эътиборан уч иш кундан кечикмай Марказ томонидан аккредитация объектига етказилади.

54. Аккредитация тўғрисидаги гувоҳноманинг амал қилишини тўхтатиб туриш ва тиклаш тўғрисидаги маълумотлар аккредитация соҳасидаги тегишли Давлат реестрларига киритилиши ва Марказнинг веб-сайтида жойлаштирилиши лозим.

7-боб. Аккредитация тўғрисидаги гувоҳноманинг амал қилишини тугатиш

55. Аккредитация тўғрисидаги гувоҳноманинг амал қилиши қуйидаги ҳолларда тугатилиши мумкин:

аккредитация объекти аккредитация тўғрисидаги гувоҳноманинг амал қилишини тугатиш тўғрисида ариза билан мурожаат қилса;

юридик шахс (аккредитация объекти) тугатилса;

аккредитация объекти томонидан гувоҳнома амал қилишининг тўхтатиб турилишига сабаб бўлган ҳолатлар Марказ томонидан белгиланган муддатда баргараф этилмаса;

аккредитация соҳаси бузилса;

гувоҳнома сохта ҳужжатлар ва маълумотлардан фойдаланган ҳолда олинганлиги аниқланган бўлса.

56. Аккредитация тўғрисидаги гувоҳноманинг амал қилиши аккредитация комиссиясининг қарорига кўра Марказ томонидан тугатилади.

Аккредитация тўғрисидаги гувоҳноманинг амал қилишини тугатиш тўғрисидаги маълумот қарор қабул қилинган кундан бошлаб бир иш кундан кечикмай Марказнинг веб-сайтида жойлаштирилади ва аккредитация объектига ёзма равишда хабар юборилади.

Аккредитация тўғрисидаги гувоҳномасинг амал қилиши аккредитация комиссиясининг қабул қилган қарори тўғрисида маълумот Марказнинг веб-сайтида жойлаштирилган санадан бошлаб тугатилади.

55-банднинг тўртинчи-олтинчи хатбошиларига мувофиқ аккредитация тўғрисидаги гувоҳноманинг амал қилиши тугатилгандан кейин аккредитация учун такрорий ариза камида олти ойдан кейин берилиши мумкин.

57. Аккредитация тўғрисидаги гувоҳноманинг амал қилишини тугатиш тўғрисидаги маълумотлар аккредитация соҳасидаги тегишли Давлат реестрларига киритилиши лозим.

8-боб. Аккредитация белгисидан фойдаланиш мониторингини амалга ошириш

58. Аккредитация белгисидан фойдаланиш мониторинги мувофиқликни баҳолаш органлари ва метрологик хизматлар томонидан аккредитация белгисидан фойдаланиш қоидаларига (аккредитацияга матнли ҳаволалар) риоя қилишнинг ҳолатини ўрганиш мақсадида аккредитациядан кейинги шартнома асосида амалга оширилади.

Мониторинг:

Марказ томонидан мувофиқликни баҳолаш органлари ва метрология хизматларидан вақти-вақти билан сўраладиган аккредитация қилинган соҳада уларнинг фаолияти тўғрисидаги ахборот:

истеъмолчиларнинг мувофиқликни баҳолаш органлари ва метрология хизматлари сифатидан қониқиши тўғрисидаги сўров натижаларини истеъмолчилар билан қайта алоқа орқали;

Марказнинг сўрови бўйича назорат органлари томонидан тақдим этиладиган маълумотларни таҳлил қилиш орқали амалга оширилади.

59. Мониторинг натижалари бўйича Марказ уч иш куни мобайнида мувофиқликни баҳолаш органи ва метрология хизматини улар томонидан тегишли чора-тадбирлар кўрип учун мониторинг натижалари тўғрисида хабардор қилади.

Бунда мониторинг натижалари бўйича Марказ томонидан мувофиқликни баҳолаш органи ва метрология хизмати органига нисбатан бирон-бир чора кўрилишига йўл қўйилмайди.

Мониторинг натижаларидан инспекция назорати давомида фойдаланилиши мумкин.

9-боб. Аккредитация соҳасидаги Марказ хизматларига ҳақ тўлаш тартиби

60. Марказ томонидан аккредитация соҳасидаги қуйидаги хизматлар учун ҳақ ундирилади:

ҳужжатлар экспертизаси учун;

аккредитация объектини баҳолаш учун;

тасдиқланган режа-жадвалга мувофиқ ўтказилган аккредитация объектининг инспекция назорати учун;

аккредитация соҳасини долзарблаштириш учун.

Аккредитация объектлари томонидан аккредитация соҳасидаги Марказ хизматларига ҳақ тўлаш уларнинг натижаларидан қатъи назар амалга оширилади.

61. Марказ томонидан аккредитация соҳасидаги қуйидаги хизмат турлари бўйича ҳақ ундирилмайди:

ариза кўриб чиқиш;

олдин берилган (амалдаги) аккредитация тўғрисидаги гувоҳномани қайта расмийлаштириш;

аккредитация тўғрисидаги гувоҳноманинг амал қилишини тўхтатиб туриш (тиклаш) ёки тугатиш;

аккредитация соҳасини қисқартириш;

аккредитация объекти фаолиятининг режадан ташқари инспекция назоратини амалга ошириш;

ушбу Низомнинг 69-банди учинчи ва тўртинчи хатбошиларида назарда тутилган материаллар долзарблаштирилганлиги учун.

62. Ушбу Низомда назарда тутилган хизматлар учун тўловлар Марказнинг сарфланган вақтидан келиб чиққан ҳолда белгиланади.

Сарфланган вақтни ҳисоблаб чиқиш методикаси Марказ томонидан белгиланади ва унинг расмий веб-сайтига жойлаштирилади.

63. Мувофиқликни баҳолаш органи ва метрология хизматлари томонидан аккредитация белгиси қўлланиши учун конун ҳужжатларида белгиланган миқдори ҳақ ундирилади.

10-боб. Аккредитация тўғрисидаги гувоҳномани қайта расмийлаштириш

64. Аккредитация объекти қайта тапшил этилса, номи, юридик манзили ёки жойлашган жойи (почта манзили) ўзгарса, йигирма иш куни мобайнида мазкур ўзгартишлар ҳақида олдин берилган (амалдаги) аккредитация тўғрисидаги гувоҳноманинг асл нусхасини илова қилиб, уни қайта расмийлаштириш учун Марказни ёзма равишда хабардор қилиши керак.

65. Агар аккредитация объекти илгари аккредитациядан ўтказилган аккредитация объектининг ҳуқуқий вориси бўлмаса, ҳужжатларни кўриб чиқиш билан боғлиқ кейинги тартиб-таомиллар ушбу Низомнинг 3-бобида назарда тутилган тартибда ўтказилади.

66. Аккредитациядан ўтган маҳсулотлар, хизматлар, менежмент тизимлари, ходимларни сертификатлаш органи ва инспекция органининг номи ёки жойлашган жойи (почта манзили) ўзгарса, янги аккредитация тўғрисидаги гувоҳнома аккредитация ўтказилмай, амалдаги аккредитация мудлатига расмийлаштирилади.

67. Синов, калибрлаш ва тиббий лаборатория (марказ) ёки метрология хизмати жойлашган жой ўзгарса, ушбу Низомнинг 3-бобида назарда тутилган тартибда улар такрорий аккредитациядан ўтказилади.

68. Янги аккредитация тўғрисидаги гувоҳнома Марказ томонидан уч иш куни мобайнида расмийлаштирилади.

11-боб. Аккредитация объекти материалларини долзарблаштириш

69. Аккредитация объекти материаллари қуйидаги ҳолларда долзарблаштирилади:

аккредитация объектининг аккредитация соҳасида кўрсатилган техник жихатдан тартибга солиш соҳасидаги норматив ҳужжатлар ўрнига янгиси амалга киритилса, уларга ўзгартишлар, қўшимчалар киритилса (бундан қабул қилинаётган норматив ҳужжатда маҳсулотларнинг янги турлари, синов (ўлчов) усуллари кўрсатилган ҳоллар мустасно);

сифат бўйича қўлланмага ва сифат менежменти тизими тартиб-таъмоил ҳужжатларига ўзгартиришлар киритилса;

аккредитация объектининг ходимлари таркиби ўзгарса.

70. Аккредитация материаллари долзарблаштирилса, аккредитация объектлари бунинг сабабларини кўрсатган ҳолда, ўзгартиришлар киритилган ҳужжатларни, шунингдек, киритилаётган ўзгартишлар юзасидан киёсий таҳлилни илова қилиб Марказга ариза тақдим этади.

71. Марказ ўн беш иш куни мобайнида тақдим этилган ҳужжатларни кўриб чиқади ва аввал тасдиқланган ҳужжатларга тегишли ўзгартиришлар киритади. Ушбу Низомнинг 69-банди иккинчи хатбошига мувофиқ материаллар долзарблаштирилган тақдирда, аккредитация объектнинг аккредитация соҳаси янги таҳрирда тасдиқланади.

12-боб. Апелляцияларни кўриб чиқиш

72. Аккредитация ёки инспекция назорати натижалари бўйича аккредитация комиссиясининг салбий қарори чиқарилган аккредитация объекти аккредитация комиссиясининг қарори қабул қилинган санадан бошлаб ўн календарь куни мобайнида Марказга ёзма шаклда апелляция бериш ҳуқуқига эга.

Аккредитация объекти аккредитация ёки инспекция назорати натижалари бўйича аккредитация комиссиясининг унга нисбатан салбий қарори чиқарилса, аккредитация комиссиясининг қарори қабул қилинган санадан бошлаб ўн календарь куни мобайнида Марказга ёзма шаклда апелляция бериш ҳуқуқига эга.

Апелляция комиссиясининг қарори қабул қилинган санадан бошлаб ўн календарь кундан ортиқ муддатда берилган апелляциялар кўриб чиқилмайди.

73. Апелляция комиссияси ҳар бир апелляцияни кўриб чиқиш учун заруратга кўра шакиллантирилади. Апелляция комиссияси таркиби Марказ директорининг буйруғи билан тасдиқланади. Апелляция комиссияси таркибини шакиллантириш ва тасдиқлаш муддатлари апелляция олинган кундан бошлаб уч кундан ортиқ бўлмаслиги керак.

74. Апелляция комиссиясининг таркиби, баҳоловчилар, жалб қилинадиган техник экспертлар, шу жумладан халқаро экспертлар орасидан апелляция берган аккредитация объектини баҳолашда иштирок этмаган ва аккредитация комиссияси таркибида бўлмаган Марказнинг камида уч вакилидан шакллантирилади.

75. Марказ апелляция берган аккредитация объектини ва баҳолашни ўтказган гуруҳ раҳбарини апелляция кўриб чиқиладиган сана ҳақида хабардор қилади. Апелляция берган аккредитация объекти вакили ва гуруҳ раҳбари апелляцияни кўриб чиқишда иштирок этишлари мумкин.

76. Апелляция комиссияси берилган апелляцияни кўриб чиқади ва қабул қилинган қарор тўғрисида аккредитация объектига ёзма равишда маълум қилади. Апелляцияни кўриб чиқиш муттади у берилган санадан бошлаб ўн календарь кундан ошмаслиги керак.

77. Кўриб чиқилган апелляция натижалари бўйича апелляция комиссияси қуйидаги қарорлардан бирини қабул қилади:

аккредитация комиссиясининг қарорини ўзгаришсиз қолдириш ва апелляцияни қаноатлантиришни рад этиш;

апелляцияни қаноатлантириш.

78. Аккредитация комиссиясининг қарорини ўзгаришсиз қолдириш ва апелляцияни қаноатлантиришни рад этиш тўғрисидаги қарор агар:

апелляция ушбу Низом талаблари бузилган ҳолда тақдим этилган бўлса;

апелляцияда келтирилган сабаблар тасдиқланмаса қабул қилинади.

79. Апелляцияни каноатлантириш тўғрисидаги қарор қабул қилинса, Марказ томонидан аккредитация тўғрисидаги гувоҳномани бериш ёки аккредитация тўғрисидаги гувоҳноманинг амал қилишини тасдиқлаш ҳақида қарор қабул қилинади.

80. Марказ икки илп кунидан ортиқ бўлмаган муддатда қабул қилинган қарор тўғрисидаги хабарномани апелляция берган аккредитация объектига ёзма шаклда юборади.

81. Айнан бир масала бўйича апелляцияни такроран беришга йўл қўйилмайди.

82. Апелляция комиссиясининг қарори юзасидан қонун ҳужжатларида белгиланган тартибда судга шикояти қилиш мумкин.

13-боб. Яқунловчи қоида

83. Ушбу Низом талаблари бузилишида айбдор бўлган шахслар қонун ҳужжатларига мувофиқ жавоб берадилар.

Мувофиқликни баҳолаш органларини
аккредитациядан ўтказиш тартиби
тўғрисидаги низомга
1-илова

Аккредитацияни ўтказиш схемаси

Босқич-лар	Субъектлар	Тадбирлар	Бажариш муддатлари
1-босқич	Ариза берувчи	Аккредитация олиш учун зарур бўлган тегишли ҳужжатларни таёрлайди. Аккредитация марказига бевосита, олинганлиги тўғрисидаги билдиришнома билан почта алоқаси воситаси орқали ёки электрон шаклда зарур ҳужжатларни илова қилган ҳолда буюртманомани тақдим этади.	Ариза берувчининг хоҳишига кўра
2-босқич	Аккредитация маркази	1.Тақдим этилган ҳужжатлар ва маълумотларнинг тўлиқлиги юзасидан буюртманомани ўрганади: а) ижобий натижа бўлганда аккредитация бўйича хизматлар кўрсатиш тўғрисида шартнома тайёрланади; б) ҳужжатлар тўлиқ бўлмаган тақдирда – ҳужжатларни қайтаради.	а) 2 иш куни мобайнида б) 1 иш куни мобайнида
		2.Марказ хизматларига ҳақ тўлангандан кейин тақдим этилган ҳужжатларни экспертизадан ўтказади. 3.Экспертиза натижалари бўйича камчиликлар аниқланган тақдирда, жойнинг ўзида баҳолаш ўтказишдан аввал марказ бу ҳақда аккредитация объектини уларни бартараф этиш учун хабардор қилади. 4.Тақдим этилган ҳужжатларни экспертизадан ўтказиш тугаллангандан кейин баҳоловчи гуруҳни тузади. 5.Жойнинг ўзида баҳолаш учун шарт-шароитлар таъминланмаган тақдирда, Марказ баҳолаш ишини тўхтатиб туради.	2. 15 иш куни мобайнида 3. 3 иш куни мобайнида
		6.Жойнинг ўзида баҳолайди ва натижалар бўйича баҳолаш тўғрисидаги ҳисоботни расмийлаштиради. 7.Ижобий ҳисобот расмийлаштирилган тақдирда у аккредитация комиссиясининг мажлисида кўриб чиқиш учун Марказга берилади.	4-5. Бир ойгача (аккредитация объекти тайёрлиги натижалари бўйича) 10 иш куни мобайнида 3 иш куни мобайнида
	Баҳолаш гуруҳи		

3-босқич*	Аккредитация объекти	1.Баҳолаш гуруҳи томонидан баҳолаш тўғрисидаги ҳисоботни расмийлаштиришда аккредитация объектнинг белгиланган талабларга номувофиқлиги тўғрисидаги хулоса берилса, номувофиқликни бартараф этиш ва уни бажариш тўғрисидаги ҳисобот бўйича ҳаракатлар режасини ишлаб чиқади ва Марказга тақдим этади.	1. Икки ой мобайнида (аккредитация объектнинг хоҳишига кўра)
	Аккредитация маркази	2. Ҳаракатлар режаси бажарилганлиги тўғрисидаги ахборот ва номувофиқликларни бартараф этиш бўйича тасдиқловчи ҳужжатлар олинган пайтдан бошлаб баҳолаш гуруҳига аккредитация объекти томонидан номувофиқликлар бартараф этилиши ҳолатини ўрганиш учун ваколат беради.	2. 5 иш куни мобайнида
	Баҳолаш гуруҳи	3. Амалга оширилган ҳаракатларнинг натижаларини ўрганишни таъминлайди. 4. Ўрганиш натижалари бўйича баҳолаш тўғрисидаги якуний ҳисоботни расмийлаштиради ва уни аккредитация комиссиясининг мажлисида кўриб чиқиш учун Марказга тақдим этади.	3. 5 иш куни мобайнида 4. 3 иш куни мобайнида
4-босқич	Аккредитация маркази	1. Аккредитация комиссиясининг мажлисида баҳолаш натижалари кўриб чиқилишини таъминлайди.	1. 5 иш куни мобайнида
		2. Аккредитация комиссияси томонидан ижобий қарор қабул қилинган тақдирда Марказ билан аккредитация объекти ўртасида аккредитациядан кейинги шартнома тузилади ва аккредитация тўғрисида гувоҳнома берилади. 3. Аккредитация комиссияси томонидан салбий қарор қабул қилинган тақдирда аккредитация объектига аккредитация қилиш рад этилганлиги тўғрисида ёзма билдиришнома юборилади.	2-3. 3 иш куни мобайнида

*) 3-босқич белгиланган талабларга номувофиқлик аниқланганда ва номувофиқликларни бартараф этиш учун муддат берилиши тўғрисида қарор қабул қилинганда бажарилади.

Мувофиқликни баҳолаш органларини аккредитациядан
ўтказиш тартиби тўғрисидаги низомга
2-илова

Инспекция назоратини ўтказиш
схемаси

Босқич-лар	Субъектлар	Тадбирлар	Бажариш муддатлари
1- босқич	Аккредитация маркази	Инспекция назоратини ўтказишнинг режа-жадвали асосида: баҳолаш гуруҳи таркибини ва инспекция назоратини ўтказиш муддатларини кўрсатган ҳолда буйруқ тузади; инспекция назоратини ўтказиш режасини тасдиқлайди.	Режа-жадвалга мувофиқ
2-босқич	Баҳолаш гуруҳи	1. Жойнинг ўзида баҳолайди ва натижалар бўйича баҳолаш тўғрисидаги ҳисоботни расмийлаштиради. 2. Ҳисоботни аккредитация комиссияси мажлисида кўриб чиқиш учун Марказга беради.	10 иш куни мобайнида 3 иш куни мобайнида
3-босқич	Аккредитация маркази	1. Тегишли қарор қабул қилиш учун баҳолаш натижалари аккредитация комиссиясининг мажлисида кўриб чиқилишини таъминлайди. 2. Аккредитация комиссиясининг қарори аккредитация объектига етказилади.	5 иш куни мобайнида 1 иш куни мобайнида

Вазирлар Маҳкамасининг
2019 йил “24” апрелдаги 349-сон қарорига
2-илова

**“Ўзбекистон стандартлаштириш, метрология ва сертификатлаштириш агентлиги ҳузуридаги “Аккредитация маркази” ДУКнинг
Аккредитация бўйича Осиё-Тинч океани ҳамкорлиги (APAC), Лабораториялар аккредитацияси бўйича халқаро
ташкилот (ILAC) ва Аккредитация бўйича халқаро форумга (IAF) тўлақонли аъзо сифатида кириши бўйича
ТАДБИРЛАР РЕЖАСИ**

Т/р	Тадбирлар номи	Амалга ошириш шакли	Бажариш муддатлари	Масъуллар
I. Мувофиқликни баҳолаш соҳасидаги норматив-ҳуқуқий базани такомиллаштириш				
1.	Қонун ҳужжатларига ISO/IEC 17000 серияси халқаро стандарти ва Лабораториялар аккредитацияси бўйича халқаро ташкилот (кейинги ўринларда ILAC деб аталади) ва Аккредитация бўйича халқаро форуми (кейинги ўринларда IAF деб аталади) талабларига мувофиқ Ўзбекистон стандартлаштириш, метрология ва сертификатлаштириш агентлиги ҳузуридаги “Аккредитация маркази” (кейинги ўринларда Аккредитация маркази деб аталади) мувофиқликни баҳолаш органларнинг аккредитация ва инспекция назорати натижалари бўйича мустақил қарор қабул қилиш ҳуқуқини бериш юзасидан ўзгартиришлар киритиш.	Ўзбекистон Республикаси Қонуни лойиҳаси	2019 йил 1 июлгача	“Ўзстандарт” агентлиги
2.	ILAC ва IAF томонидан қабул қилинган стандартлар билан бир хил бўлган аккредитация соҳасидаги асос бўлувчи халқаро стандартларни амалга киритиш.	Идоравий ҳужжатлар	2019 йил 1 июлгача	“Ўзстандарт” агентлиги
II. Аккредитация маркази фаолиятини такомиллаштириш				
3.	ISO/IEC 17011 халқаро стандарти талаблари ва тавсияларига мувофиқ Аккредитация марказида сифат менежмент тизимини жорий этиш ва қўллаб-қувватлаш.	Тартибот ҳужжатлари, йўриқномалар ва низомлар	2019 йил 1 июнгача	Аккредитация маркази

Т/р	Тадбирлар номи	Амалга ошириш шакли	Бажариш муддатлари	Масъуллар
4.	Аккредитация маркази мутахассислари, аккредитация қилинган объектлар, профессионал институтлар, тартибга солувчи органлар, мустақил экспертлар вакилларида иборат бўлган лабораториялар ва сертификатлаш органларнинг аккредитацияси бўйича техник қўмиталар ташкил этиш.	Идора ҳужжатлари	2019 йил 1 июнгача	Аккредитация маркази
5.	Аккредитация марказини халқаро ихтисослашган ташкилотларга киришга тайёрлаш учун хорижий маслаҳатчиларни шартнома асосида жалб этиш.	Ҳамкорлик тўғрисида шартнома	2019-2020 йиллар	“Ўзстандарт” агентлиги
6.	Аккредитация марказини хорижий тилларни эгаллаган ва халқаро майдонда республиканинг манфаатларини илгари суриш салоҳиятига эга бўлган малакали ва ёш мутахассислар билан таъминлаш.	Меҳнат битими	2019 йил 1 майгача	Аккредитация маркази
III. Халқаро ихтисослашган ташкилотларга кириш бўйича тайёргарлик ишлари				
7.	ILAC, IAF ва аккредитация бўйича Осиё-Тинч океани ҳамкорлиги (кейинги ўринларда APAC деб аталади) талабларига мувофиқ тартибот ва мажбурий ҳужжатларни ишлаб чиқиш.	Идора ҳужжати	2019 йил 1 июнгача	Аккредитация маркази
8.	Аккредитация маркази фаолиятини ISO/IEC 17011 талабларига мослигини малакали хорижлик экспертларни жалб қилган ҳолда дастлабки тарзда баҳолаш.	Хорижлик экспертлар ҳисоботи	2019 йил 1 сентябргача	Аккредитация маркази
9.	Хорижий аккредитация органлари вакиллари билан мувофиқликни баҳолаш органларининг қўшма сайёр баҳолашларини ўтказиш.	Баҳолаш тўғрисида ҳисобот	2019 йил 1 сентябргача (жадвал бўйича)	Аккредитация маркази
10.	Аккредитация миллий тизимининг баҳолаш натижаларини олиш ва аниқланган номувофиқликларни бартараф этиш.	Хорижлик экспертлар ҳисоботи	2019 йил 1 ноябргача	Аккредитация маркази
11.	Аккредитация маркази ходимларини хорижлик экспертларни жалб қилган ҳолда ISO/IEC 17000 халқаро стандартларига ўқитиш.	Ўқитиш тўғрисида сертификат	2019 йил апрель-декабрь	Аккредитация маркази

Т/р	Тадбирлар номи	Амалга ошириш шакли	Бажариш муддатлари	Масъуллар
12.	APAC, ILAC ва IAF тадбирларида Аккредитация маркази вакиллари иштироки ҳамда мазкур ташкилотлар экспертлари томонидан баҳолашни ташкил этиш бўйича музокаралар олиб бориш.	APAC, ILAC ва IAF тадбирларида иштирок этиш тўғрисида ҳисобот	2019-2020 йиллар	Аккредитация маркази
IV. Мувофиқликни баҳолаш миллий органлари фаолияти даражасини ошириш				
13.	Мувофиқликни баҳолаш органларини белгиланган тартибда ISO/IEC 17000 халқаро стандартлари (охирги таҳририда) талабларига мувофиқ баҳолаш.	Аккредитация тўғрисидаги гувоҳнома	Жадвалга мувофиқ 2020 йил 1 февралгача	Аккредитация маркази
14.	Лабораториялараро таққослаш йўли билан мувофиқликни баҳолаш бўйича органлар малакасини текширишга доир фаолиятни янада ривожлантириш.	Тадбирлар мажмуаси	2019 йил 1 майгача	“Ўзстандарт” агентлиги
15.	Халқаро стандартларга (ISO, IEC, EN, Codex Alimentarius) мос келадиган синашнинг (ўлчашнинг) замонавий усуллари амалиётга жорий этиш.	Идора ҳужжатлари	2019-2020 йиллар	“Ўзстандарт” агентлиги, Соғлиқни сақлаш вазирлиги, мувофиқликни баҳолаш органлари
16.	Мувофиқликни баҳолаш органлари синов базасини модернизациялаш ва такомиллаштириш.	Чора-тадбирлар комплекси		
17.	Мувофиқликни баҳолаш органлари ходимларини хорижий экспертларни жалб қилган ҳолда ISO/IEC 17000 халқаро стандартлари бўйича ўқитиш.	Режа-жадвал, Ўқитиш тўғрисида сертификат	2019-2020 йиллар	“Ўзстандарт” агентлиги, Аккредитация маркази
V. Халқаро ихтисослаштирилган ташкилотларга аъзо бўлиш				
18.	APAC нинг тўла ҳуқуқли аъзоси мақомини олиш учун буюртманома бериш.	APACга буюртманомани йўллаш	2019 йил 1 декабргача	Аккредитация маркази

Т/р	Тадбирлар номи	Амалга ошириш шакли	Бажариш муддатлари	Масъуллар
19.	APAC экспертлари томонидан Аккредитация марказини баҳолаш (биринчи ва иккинчи баҳолаш) ҳамда мувофиқликни баҳолаш органларини биргаликда баҳолаш, тузатиш тадбирларини олиб бориш.	APAC экспертларининг баҳолаш тўғрисида ҳисоботи	2020 йил март-июль	Аккредитация маркази
20.	APAC нинг тўла ҳуқуқли аъзоси мақомини олиш.	APAC қарори	APAC Ассамблеяси якуни бўйича	Аккредитация маркази
21.	Аккредитация марказининг APAC-MRA кўп томонлама битимига қўшилиши бўйича зарур тартиб-таомилларни амалга ошириш.	APAC-MRA битими	2020 йил ноябрь	Аккредитация маркази
22.	ILAC ва IAF га тўла ҳуқуқли аъзоси мақомини олиш учун буюртманома бериш.	ILAC ва IAF га буюртманомани йўллаш	APAC-MRA имзолангандан кейин 2 ҳафта муддатда	Аккредитация маркази
23.	ILAC ва IAF экспертлари томонидан Аккредитация марказини баҳолаш (биринчи ва иккинчи баҳолаш) ҳамда мувофиқликни баҳолаш органларини биргаликда баҳолаш, тузатиш тадбирларини олиб бориш.	ILAC ва IAF экспертларини баҳолаш тўғрисида ҳисобот	ILAC ва IAF билан келишилган ҳолда 3 ой мобайнида	Аккредитация маркази
24.	ILAC ва IAF тўла ҳуқуқли аъзоси мақомини олиш	ILAC ва IAF тўла ҳуқуқли аъзоси мақомини олиш тўғрисидаги қарори	ILAC ва IAF Ассамблеяси якунлари бўйича	Аккредитация маркази
25.	Аккредитация марказининг ILAC-MRA ва IAF-MLA кўп томонлама ўзаро тан олиш битимига қўшилиши бўйича зарур тартиб-таомилларни амалга ошириш.	ILAC-MRA ва IAF-MLA билан битим имзолаш	тўла ҳуқуқли аъзоси мақомини олгандан кейин бир ой мобайнида	Аккредитация маркази

Т/р	Тадбирлар номи	Амалга ошириш шакли	Бажариш муддатлари	Масъуллар
26.	ILAC, IAF ва APACнинг тегишли техник қўмиталари ва бошқа бўлинмалари билан иш юзасидан ҳамкорликни таъминлаш.	ILAC, IAF ва APAC га сафарлар уюштириш	доимий асосда	Аккредитация маркази

Изоҳ. Ушбу режада назарда тutilган тадбирларни амалга оширишда ишлаб чиқиладиган ҳужжатнинг шакли ўзгартирилиши ёки ишлаб чиқиладиган ҳужжат бошқа бандларда назарда тutilган бошқа ҳужжатлар билан бирлаштирилиши мумкин. Икки ва ундан ортиқ ҳужжат бирлаштирилганда, тегишли бандларни ижро этиш учун белгиланган энг кеч муддат уларни ишлаб чиқиш муддати ҳисобланади.

Вазирлар Маҳкамасининг
2019 йил 24 апрелдаги 349-сон қарорига
3-илова

**Ўзбекистон Республикаси Ҳукуматининг ўз кучини йўқотган
деб ҳисобланаётган айрим қарорлари
рўйхати**

1. Вазирлар Маҳкамасининг “Мувофиқликни баҳолаш тўғрисида”ги Ўзбекистон Республикаси Қонунини амалга ошириш чора-тадбирлари тўғрисида” 2015 йил 14 октябрдаги 292-сон қарорида (Ўзбекистон Республикаси ҚТ, 2015 й., 10-сон, 92-модда), 1-бандининг иккинчи хатбоши, шунингдек қарорга 1-илова.

2. Вазирлар Маҳкамасининг “Ўзбекистон Республикаси Ҳукуматининг айрим қарорларига ўзгартириш ва қўшимчалар киритиш, шунингдек баъзиларини ўз кучини йўқотган деб ҳисоблаш тўғрисида” 2017 йил 2 июндаги 348-сон қарорига (Ўзбекистон Республикаси ҚТ, 2017 й., 6-сон, 92-модда) илованинг 6-банди.